

Molao wa mmušo wa Jesu mo tlhalong

Thero mo Mateo 5:27-32

Palo ya Beibele: Mateo 19:1-15

Temanathero: Mateo 5:27-32

Ge monna le mosadi ba tsena mo lenyalong la seKriste, ba dira maikano mo go pele ga bona le Modimo gore ba tlile go dula mmogo bophelo bja bona ka moka go fihlela lehung. Se ke mohlolo o bohlokwa wa lenyalo la seKriste, gore ga go mojako wa ka morago wo o bulegilego o kgaoganyago batho ba e ka ba lebaka lefe. Kgolaganyo ya lenyalo ya Modimo ke lebaka la go tshepega! Letšatši leo o tsenago lenyalong la seKriste, o na le bonnete ya gore molekane wa gago o tlile go tshepega mo go wena, go fihlela lehung.

O tlile go tshepega kantle le go lebelela mabaka. E ka ba ke lenyalo la matsoba go ba la ngwedi wo bonegago go ba o tlile go kgotlelela ditlaišego tseo di tlogo. Goba go tlile go ba le bana kantle ga lenyalo, goba mohlomongwe lenyalo le ka se dule le tshepegile ka lebaka leo. E ka ba lebaka lefe, lenyalo la seKriste, bjalo ka ge bala mo Beibeleng, go ya ka Morena Jesu, mantšu a rena a neela pabalelo ye e tletšego.

Bjale se ke sehlogo sa thero ya rena. Re lebelela ka gare ga Beibele mantšu a bolelago ka lenyalo, go a makatša, le mantšu a hlalo.

Temanathero: Molao wa mmušo wa Jesu mo tlhalong

Ka nnete, se se ka kwagala, se makatša, ge o lebelela ka bohlokwa mokgwa wa lenyalo la seKriste, e eba kgolaganyo ya bophelo bjo botelele. Bjale se, ge e lebaka, gobaneng Beibele, gobaneng Jesu a sa bolela ka lebaka la tlhalo? Ge e ba lenyalo la seKriste, ke seo e lego sona, bjale taba ya hlalo ga se selo seo se swanetšego go ba gona...

Bjale ga re lebeleleng seo temana e re rutago sona. Temana ya rena ke karolo ya thero ya Morena Jesu Kriste mo thabeng. Morena Jesu o boletše ka thero ye mo mathomong a mošomo wa gagwe mo nageng ya Galilea. O be a le mo thabeng, gomme batho ba bantši ba tla go mo theetša. Mo therong ye Jesu o bolela ga bonolo gore ga se a tla go fediša molao wa Moshe, melao ka moka ya Testamente ya kgale. O tlile gore a phethagatša seo se ngwadilwego. O tlile go ruta batho gape seo Modimo a bego a senyaka, ge a be a ba neela melao ye nakong ye e fetilego. Mo therong ya mo thabeng re humana gore Jesu o bolela ka melao ka o tee ka o tee: go swana: o se ke wa bolaya, o se ke wa utšwa, le melao ka moka ye šupago: o se ke wa otswa. Temana ya rena e bolela ka botlalo ka molao. Jesu o re: le kwele ge ba re: o se ke wa otswa. Empa ke le botša ke re mang le mang yo a lebelelago mosadi mme a mo kganyoga o šetše a direle bootswa le yena mo pelong ya gagwe.

Gobaneng Jesu a bolela se? Ke ka lebaka la maitshwaro a batho ba Modimo – gomme bjale ga re beng le nnete ka moka ga rena. E sego fela go obamelo molao ka boona. Ge o sa dire bootswa bjo bo bonwago, ga go na molato go ka ba le dikganyogo tše sa lokago mo monaganong wa gago. Ge o sa dire o bonwa ga go molato go ka kganyoga mosadi wa monna e mongwe, go ba monna wa mosadi e mongwe. Empa molaetša wa Jesu o bonolo. Le hlaloganyo ya gago le pelo ya gago, e swanetše go ba e hlwekilego! Modimo o kgona go bona dikakanyo tša gago. Gomme o re, go lebelela mosadi wa moduma go swana le ge o dirile bootswa. Gomme bjale o se ke wa nyatša molaetša o. Sebe se na le kotsi, le sebe seo se lego pelong. Se ka go iša diheleng. Se ka dira gore o se ke wa tsena mmušong wa Modimo. Ka lebaka leo Jesu o re – ka seema – go kaone go tsena mmušong wa Modimo o na le leihlo le letee, gore o dumelele leihlo la gago go dira sebe, e le ditlamorago tša go feleletša o le diheleng. Ge leihlo la gago la go ja le dira gore o dire sebe, le ntšhe o le lahlele kgole. Go kaone ge o loba setho se tee sa mmele wa gago gore mmele ka moka

o tlo o lahlwe diheleng. Gomme ge letsogo la gago le go dirisa sebe, le ripe o le lahlele thoko. Go kaone ge o ka loba setho sa mmele wa gago, le gore mmele wa gago ka moka o lehlwe diheleng.

Jesu o apola boteng bja molao wo. Modimo ga a lebelele fela maitshwaro a kantle, empa o nyaka gore pelo e be ye e hlwekilego. Gobaneng Modimo a gatelela taba ye, ke gobane a re rata. Gomme o a tseba gore ge re tsenya sebe mo dipelong tša rena, ditlamorago ke gore ditlilego go tšwela ntle mo maitshwarong a rena, gomme bofelo di tlile gore senya. Bjale re swanetše go rapela: re nee pelo ye e hlwekilego, Modimo, bjalo ka ge Davida a boletše mo pesalomeng ya 51, ka morago ga gore yena a dire bootswa.

Lebaka la gore Modimo ga a lebelele kobamelo ya kantle fela, re ithuta gape go tšwa mo ditemaneng tše thero ya rena. Mo temaneng ya 31 Morena Jesu o bolela mantšu a tšwago go Moshe: 'mang le mang yo a hlalago mosadi o swanetše go mo nea lengwalo la hlalo.' Re bala ka se mo Doiteronomio 24. Bjale taba ke eng mo, ke gore mo dinakong tša Moshe e tlile ka bonako ka morago ga go fiwa ga melao. Gore batho ba Modimo ba be ba dira dibe, ba sa kgone, go le boima go obamela melao ya Modimo. Le ge e le gore ba be ba tseba gore go hlala go a ganetšwa ba ile ba tšwela pele go hlala. Gomme ka lebaka la dibe le maemo ao a sa lokago, Moshe o ile a neelana ka mangwalo a hlalo mo lebakeng le. Le ga go le bjalo, gomme seo ke se bohlokwa, Jesu o re mo Mateo 19: se se diragetše gobane dipelo tša lena di thatafetše. E be e se tsela ya Modimo go tloga mathomong. Mathomong lenyalo e be e le lebaka la gore le swanetše go ba bophelo ka moka. Empa ka lebaka le mo nakong ya Moshe go ile go a thoma go ba le mathata go ka obamela molao. Gomme bjale re bona Jesu boela morago go Moshe go ka bulela gape lebaka la Modimo ka molao wa bošupa. Go sa lebelelwe gore Moshe o rileng, RURI, RURI, ke a le botša, gore mang le mang yo a hlalago mosadi o mo dira seotswa, gomme yo a nyalago mosadi yo a hlalilwego o dira bootswa.

Gomme bjale ke sebe se segolo go hlala mosadi wa gago e ka ba lebaka lefe go ba lefe. Ge o dira seo, Jesu o re, o gapeletša molekane wa gago go thoma go nyaka molekane yo mongwe. Gomme bjale ge se se diragala, go tlabe o dira bootswa. Gomme ka lebaka le e ka se be fela molekane wa gago go dira bootswa. Empa le wena, gobane o molelekile. Ga go le bjalo, dulang le le mmogo, go thibela sebe sa bootswa.

Gomme ke mothaladi o tee mo temaneng ya rena o re swanetšego go lebelela. Gobane Jesu o re: 'ke a le botša: mang le mang, yo a hlalago mosadi kantle le go se tshepege mo lenyalong o modira goba seotswa. Mothaladi o: 'kantle le go se tshepege mo lenyalong.' O ka fetola wa re: kantle le bootswa. Ana ke eng seo Jesu a bolelago ka sona lebakeng le? Ana ge molekane wa gago a dirile bootswa, ka lebaka leo o na le lebaka la go mo sepediša? A e ka ba ka lebaka le e le mo go botse go ka fediša lenyalo?

Pele re humana karabo ya se, ga re lebeleleng seo Modimo ka boyena a se boletšego lebakeng le mo Testamenteng ya kgale. Mo melaong Modimo o neile batho ba gagwe ka Moshe re bala gore kotlo ya bootswa ke lehu. Ka lebaka leo, motho yo a dirilego bootswa o kgaoganya lenyalo. Ka lebaka la sebe se motho yo o be a bolawa. Bjale ge re lebelela mo dinakong tša Testamente ya kgale, re bona kotlo ye e be e sa phethagatswe mo mabakeng a mantši. Empa e bile setlwaedi go se be le kotlo ya lehu. Empa go neelana ka lengwalo la tlhalo mo lebakeng la bootswa.

Ge Jesu a bolela mo mothalading – kantle le bootswa – mo temaneng ya rena, o be a lebeletše setlwaedi seo se lego magareng ga Bajuda go neelana ka mangwalo la hlalo labakeng la kotlo ya lehu.

Bjale lehono re swanetše go ithuta ka lebaka la. Ke nnete, mo lebakeng la bootswa, yo a lego molato o robile lenyalo. Empa seo ga se re gore go ka se be le kgoaganyo gape. Ge yo a dirilego bootswa, a ipolela sebe, gomme a beakanya bophelo bja gagwe, gomme ge yo mongwe a dumela

polelo ya gagwe, bjalo lenyalo le tla kgoaganywa. Ka nnete se ke seo mmušo wa Modimo o se bolelago. Gomme sebe se thibetswe, le lenyalo le pholositšwe.

Empa mo lebakeng la ge yo mongwe a sa sokologe, gomme a tšwela pele go phela bophelo bja sebe, bjale o robile kgoaganyo ya lenyalo, go ya ka mathomo a molao wa Modimo, ga a na tettlelo ya go dula mmogo le yena. Ge yo mongwe a kgetha go sepela, gona le bo kaone.

Bjale dilo tše ka nako yengwe go boima mo go rena go ka di hlaloganya, le go di amogela. Empa ga re rapeleng Modimo gore a re bule menagano le maphelo a rena gore re tle re kgone go hlaloganya melao ya mmušo ya gagwe. Gomme ga re rapeleng gore Moya o Mokgethwa o tlile go dula ka gare ga rena gore re tle re kgone go lokiša mo bophelong bjo bophelo bjo bo tlogo, mo re tlilego go ba karolo ya mmušo wa Modimo!

Gantši bophelo bjo bo tlile go ba le ditlamorago tšeo di nago le molato le ditlaišego. Empa re swanetše go dula mo tumelong, re tseba gore Jesu le yena o ile a tlaišega ka lebaka la rena! Re tlile go kgotlelela bophelong bjo, gobane re tseba moputso o botse wo o re emetšego go Kristel!

Amene.